



Dos “Lagoenero” ta topa despues di 70 aña

Skirbi pa Clyde Harms

Ayang Wong a pasa su hubentud bibando na Lagoenweg un poco pariba di e brug di Zoutmanstraat. Despues di gradua di St. Dominic College na 1944, Ayang Wong a bay studia na Lehigh University y a keda biba na Merca. Ami tambe a pasa mi hubentud na Lagun, apenas dos cien meter leu di e cas di Ayang. Ami tambe a emigra pa Merca despues di traha na Lago te 1961. Den e añanan cu a sigui, ami y Ayang tabata bishita Aruba regularmente pero nunca nos a topa. E siman aki Ayang cu su

yiú encanta Lisa a bin bishita Aruba y cu ayudo di un amigo comun nan a contact mi via mi adres electronico y asina nos a logra topa personalmente despues di setenta aña! Disfrutando di un desayuno tipico Hulandes na De Hollandse Pannekoekenhuis, nos a recorda, combersa y comenta dos ora largo riba e añanan cu a pasa.

Ayang ta yiu di e famia Wong cu tabata e doñonan original di Paris Restaurant (tempo cu esaki tabata pariba di stadhuis) y Chesterfield Restau-

rant den caya principal di San Nicolas. Lisa a trece un cantidad di potret di Ayang su famia cu ami no tabata conoce. Tambe mi a haya algun potret interesante di Oranjestad cu mi a scan y lo comparti den un articulo dentro di poco. Ayang a ricibi un copia di mi buki “Storianan di un mucha di Lagun” publica pa UNOCA aña pasa cu ta yen di potret cu a evoca hopi memoria. E foto adhunto ta muestra e dos Lagoeneronan anciano cu e bunita y simpatico Lisa. clydeharms@yahoo.com □